

閩  
四  
家  
詩

江  
明  
署  
印

888  
1948  
戊戌之秋刊

閩  
四  
家  
詩

松山集題

時宏  
嶺南



序

客問江煦曰閩中詩人多矣先生何以傳四家為煦

對曰先師許曉山先生能技擊禦外侮

甲午抗日  
失利內渡

工岐黃

得立功其友蘇文逸雲工古文辭能詩菽莊主人為

世家風雅之士工詩結社海內詩人歸之禮賢愛客

友先師沈傲樵先生善  
且結契先師終身客之

殆有珠履三千李丈繡伊仁厚長者好獎

掖後進工詩詞擅燈謎人多稱之然則其人其事有

足傳者况煦為懷人思舊何以不傳四家哉客曰然

是為序時戊戌之秋海澄江煦識於濠江亦風月平

分草堂

許徵君詩鈔

許珪封

曉山原籍台澎甲午中東之役抗日失利內渡落籍龍溪  
精醫清德宗病瘡詔徵治愈稱徵君郡舉孝廉擢餘杭縣

和金絲同道見懷原韻

年來度德藐躬涼晚節多慚殿衆芳  
秋月照平炎海浪天風吹散彗星芒  
客懷竹葉頭顱白歸訊菱花眉  
角黃人世滄桑渾不管哦詩還有霎時忙

疊韻寄金絲

南華醫院會考金絲先生十載兩元三年前詩以  
美之兵燹後醫院鞠為茂草怒馬傷之

南華庭院荔陰涼十載掄元名字芳  
扁鵲長桑歸宿

處玉函金匱發光芒秋風拔屋烏頭白兵火連天草  
色黃借問溪東林處士為誰辛苦為誰忙

和李俊承輓陳延謙元韻

膾炙詞壇驚座陳鷓夷夙已布經綸星沉星海今何  
日天靳天年德有鄰蓮社飄零歌哭後鷺山接引去  
來頻那堪蘭玉歲寒日愁聽先驅爭六塵

脫略士衡猶嘆逝况於喬梓後先枯吟魂何處騎牛  
背烈魄伊誰將虎鬚盤谷永垂吏部否鑑湖還憶謫  
仙無布金寺裡如相問為道當今有給孤

金絲先生以菜飯肉湯餉午深情厚味兼而有之三

疊前韻

照按日寇陷南洋群島徵軍糧民間米少百物騰貴日食維艱何知肉味

菜飯清香透膈涼  
臙湯齒頰尚流芳  
美材嫉俗心多刺  
乏翼高飛背有芒  
捫蝨縱談天下事  
哀鴻四野太倉黃  
深情還勝檳江水  
努力加餐慰百忙

餘興未盡四疊韻

人情世態任炎涼  
烏帽茱萸發異芳  
菊圃霜凝花有骨  
蟾宮桂影月生芒  
滿城風雨秋如繪  
落木蕭疏色正黃  
預約登高南國裏  
羣仙拾級攝衣忙

震叟增蔚先生辱和章  
深有拋磚引玉之感  
五疊韻一番疏雨一番涼  
南國花多惜少芳  
四海難容休涉

足三台動角更搖芒春風馬帳空眉黛遼水龍頭戰  
血黃白雪曲高慚下里身閒依舊寸心忙

奉答增蔚先生六疊韻

夜宴歸寓拜嘉續章奉答心急醉態朦朧二三兩  
韻易置不計也

歌風臺上唱伊涼猛士燕然勒石芳君亦雄哉收鴨  
綠臣今耄矣泛鵝黃三章湛露千秋鏡一吐長虹萬  
仞芒寄託遙深誰領解吮毫伸紙不知忙

蘇逸雲先生以大著相示中秋邀飲賦此志盛

人生幾見月當圓况入桃源別有天共話滄桑如隔

世不知秦漢是何年夜光杯泛冰輪滿水調歌賡玉  
局仙寰海安瀾皆隱去丹霞飛傍臥雲邊

奉和李俊承先生元均

無限含情不語中新詩超越更渾融旅懷弗斷鳴宵  
析清夢初回破曉鐘四海風聲天欲曙萬山雨意墨  
尤濃婆娑合抱菩提樹鷲嶺攀登第幾峰

游直落巴巷有何草不黃之感奉和俊承居士崇文

閣原均

江湖無計滌煩襟齧碣天風放浪吟黃草半爨秋寂  
寞丹楓渲染氣蕭森人惟曠達渾濃淡話到亂離別



淺深運會詞章今轉捩劍南詩老尚雄心

乙酉春暮金絲先生夜讌芸友黃君出示贈詩瀟灑

之極次均奉和

相期事業足千秋茹藻含英杜若洲星海欽遲皆鮑

管尼山講學重由求金樽對月殘紅褪玉樹臨風大

白浮工部詩篇歡客至舍南舍北有羣鷗

蒲節書感呈慧覺居士

猶記當年奪錦標艾旗法曲楚詞招盲姬夜夜琵琶

調傳徧新橋與舊橋

應童子試孫蕞齋郡守以七邑會考數達七千名謔膺冠軍者再好事者教盲婦彈詞風檐寸晷無佳構語余深憾焉

中秋一景樓雅集遇雨賦呈言論界及在座諸君子

淋玲深閉廣寒宮洗盡乾坤莫大同虜騎氛消隨野  
馬筆花氣燄貫長虹探驪斂耀歸滄海翮鳳垂文炫  
碧空留得元規清興在南樓交錯盡英雄

和逸翁詩貺賦降次均

哀動江南庾子山蓼莪廢讀未全刪天開周正猶踰  
矩母難今朝失笑顏東郭竽吹長寂寂上池瓢飲尚  
潺潺蹉跎老大忘歸矢辜負懸弧百日關

弔延平郡王八疊韻之一

一提隆武倍悲涼三百年來氏族芳賜姓臣家心永  
矢精忠報國背多芒金川春泛鴨頭綠靖海波翻梧

葉黃慟哭詔書薰沐後渡河垂死百呼忙  
逸翁重遊清虎山莊出示一律依均奉答

一重山越一重山綠滿山莊草未刪自曝梵文皆婢  
膝再來仙吏忽童顏行雲渡海為霖意流水鳴琴曲  
徑潺林木蕭颺疑虎嘯空餘迎送鳥呼關

奉答逸翁均

爽塏心懸湫隘廛同罹鋒鏑倏三年不譏谿壑申振  
欲還許丘陵子貢賢太素潛窺微妙道彼蒼默運執  
中權妙香林杪春消息薇蕨歸周甲子天

和蘇季二公原均

花卉弄新晴翎毛奏韻清祭詩沿舊例讀畫記分明  
大海戈船影孤城鼓角聲河梁重携手離索胆肝傾  
和金棉先生哭弟均

燔書漫滅劫餘灰平視推敲子夜來匝月忽隨猿鶴  
化臨風還趁雁鴻哀苔苔拍手吞丹篆蒿里何人瀉  
白醅蘭玉那堪重挫折滿眶清淚浸泉臺

悼文棉先生次金棉哭弟原均

驚傳徙宅雜榛蕪避亂難尋五遁符不信含沙能射  
影慙無藥石護君軀

慚無藥石護君軀倘有象賢啓泣呱最是傷心荆樹

畔南枝蒼翠北枝枯

南枝蒼翠北枝枯歡接曼卿訊有無共料玉樓重作  
賦芙蓉城主在茲乎

芙蓉城主在茲乎滿目蓬蒿弔故都從此吟魂長寂  
寞池塘春草起嗟吁

金絲先生悼姪女詩極其沉痛次韻和之

殉身何待一坯乾茹痛終天裂胆肝青烏侍姬來遠  
召白華孝子合齊觀不堪猶女重泉去怎使阿哥百  
結寬苦塊兩旬年十四曇花都為蹙眉端

奉慰金絲先生

丹霞散影五雲端  
弟姪皆仙強自寬  
泡影不渝名論  
立電光霄透達人觀  
鑿開儻忽還混沌  
仇視臙神有  
肺肝造化本來無  
一物長河東海總枯乾

妙香林會泉法師圓寂三周年齋筵不果赴贈李俊  
承一絕

寶鴨妙香凝紫竹  
金雞文采吐青蓮  
相公食福難消  
受來歲同參解脫禪

明年此日徵君果解脫所  
謂詩讖耶見臥雲樓筆記

永春李俊承校刊  
海澄江煦

卧雲樓詩存

蘇壽喬

逸雲龍巖人官光澤縣修龍巖志廈門志著臥雲樓筆記雜著海外文存讀左肌說南游詩草

老婦吟

老婦携孩泣於路倉皇下馬急問故婦言昔日家小  
康有廬有田畢嫁娶未幾夫死子游蕩癖愛芙蓉吞  
吐霧屈指歷年不過五房屋田園都易主青年弱媳  
慘去帷母去一孫又欲賈若敖之鬼今餒而泣請拘  
子痛鞭笞鞭臀未過百老婦淚交垂低頭頻搖手登  
堂復致詞妾身四十苦無嗣禱天祝佛生是兒使君  
重責冀知悔老婦對此痛心脾我聞此語發長歎老



婦何其癡從夫端在初嫁日教子當在甫生時有養  
無教事姑息覆家蕩產愛不移繼思愛子本天性使  
君有母亦如斯兄弟八人姊有三劬勞不忍一撻為  
若將老母比老婦不同者教同者慈高堂萱草敷榮  
日曾無甘旨供庭幃今日服官思祿養風木蕭蕭恨  
已遲老婦有子蕩可惜使君無母悲不悲

次楊搏丈韻

奔馳南北自年年遑問王前與士前老驥困鹽無棧  
戀春蠶作繭苦絲纏於今黍谷聞鄒律何日薊江遇  
米船濁酒孤燈風雪夜懷人情緒奈何天